

# Bakuna kontra Corona



## Kiko ta un bakuna kontra Corona?

Un bakuna kontra Corona ta protehá bo kontra e vírùs di Corona. Bo ta haña e bakuna via un angua den e parti ariba di bo brasa. Despues di e bakunashon bo no ta bira malu di e vírùs, òf bo ta bira ménos malu.

## Kiko ta pasa den bo kurpa?

Dor di e bakuna bo kurpa ta traha antikurpa kontra e vírùs. Esakinan ta pone ku bo kurpa ta rekonosé e vírùs despues di e bakunashon. Bo kurpa por eliminá e vírùs lihé e ora ei. Sea bo no ta bira malu òf bo no ta bira hopi malu.

Ainda no ta konosí pa kuantu tempu e bakuna ta protehá bo kontra Corona.

## E ta seif?

A traha e bakunan akí mas lihé ku sa traha otro bakuna. Pasobra hopi hende rònt mundu a traha huntu riba un bakuna. No a salta ningun stap. No ta posibel tampoko, pasobra e reglanan pa traha un bakuna ta mashá strikto.

Ora a kaba ku e bakunan, a tèst nan riba hopi hende. Despues e organisashonnan EMA i CBG a aprobá nan.

Awor ta usa e bakunan i ainda ta sigui ku kòntrol di seguridat.

## Efekto sekundario

Meskos ku ta e kaso serka tur otro bakuna, bo por haña keho despues di e bakuna akí tambe. Esei yama efekto sekundario.



Bo por sinti por ehèmpel:

- doló kaminda a pasa e angua
- doló di kabes
- kansansio
- doló di múskulo
- keintura

E kehonan akí por dura den mayoria kaso 1 pa 3 dia.

Esakinan ta síntomanan leve. Nan ta komun i nan ta disparsé di mes despues di algun dia.

Un efekto sekundario grave no ta komun. Pero si bo tin hopi keho den e siman despues di e bakunashon, yama bo dòkter di kas.



### **Pa ken e bakuna ta?**

Na Hulanda tur hende for di 18 aña por traha un sita.

Bo por hasi esei online òf na telefòn.

Online bo por traha un sita riba: [www.coronavaccinatie-afspraak.nl](http://www.coronavaccinatie-afspraak.nl).

Na telefòn bo por traha un sita via e number: 0800 7070

Tin diferente bakuna.

Bo no por skohe kua bakuna bo ta haña.

A tèst i aprobá tur bakuna ku ta wòrdu usá.

### **Ki ora bo no ta haña bakuna?**

Yama bo dòkter di kas si:

- anteriormente bo tabatin un reakshon alérgiko despues di un bakuna
- despues di e promé angua bo tabatin un reakshon alérgiko hopi fuerte

Ta mihó pa bo posponé bo bakunashon i traha un sita nobo si:

- bo ta hopi malu e dia di bakunashon
- bo tin keintura di 38 grado òf mas haltu
- bo tin Corona
- bo tin síntoma komun relashoná ku Corona
- bo a hasi un tèst di Corona i bo no a haña e resultado ainda
- bo tabata den kontakto ku un hende ku Corona

### **Na estado**

Un grupo di dòkter i científiko a investigá e bakuna durante embaraso. Nan konseho ta ku tur hende muhé na estado por tuma e bakuna kontra Corona.

### **Despues di bakunashon**

Despues di bakunashon bo tin ku sigui tene bo na regla i konseho general manera laba man i mantené distansia.

Si bo haña síntoma di Corona tòg, bai laga hasi un tèst.

No ta konosí si despues di bakunashon bo por pega otro hende ku e vírùs.

I tin chèns ku bo por bira malu di e vírùs tòg.



## **Si bo tin otro pregunta tokante Corona-vírùs:**

Yama **0800-1351**

*Deze begrijpelijke informatie is gebaseerd op de adviezen van Rijksoverheid.nl en informatie van het CBG.*

*De informatie is getest met taalambassadeurs van Stichting ABC.*

*25 juni 2021 - versie 5*